

Data 31.01.2023

PROCESVERBAL

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

Blerje Barriera, tra me perde dhe infrastrukture IT per терминаlet dhe parkimin e APD-së"

VLERA E FONDIT LIMIT: 12,395,000 Lekë.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor ”**Autoriteti Portual Durrës**, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

2. KRITERET E VEÇANTA TË KUALIFIKIMIT

2.1. Kapaciteti ligjor/profesional i operatorëve ekonomikë:

- Sipas kërkesave të përcaktuara në kriteret e përgjithshme të pranimit/kualifikimit.

2.2. Kapaciteti ekonomik dhe financiar:

Operatori ekonomik pjesëmarrës duhet të paraqesë një dokument të lëshuar nga Administrata Tatimore, ku të vërtetohet xhiroja mesatare vjetore për 3 (tre) vitet e fundit nga data e zhvillimit të tenderit, në një vlerë jo më të vogël se 40% e fondit limit.

Argumentimi:

Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, pika 2/b të VKM nr. 285, datë 19.05.2021 “Për miratimin e rregullave të prokurimit publik”, të ndryshuar.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar ligjit nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrisë të

Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare".

Vlera e xhiros së kërkuar është vendosur duke pasur në konsideratë objektin e kontratës, natyrën dhe volumin e saj. Vlera e xhiros është vendosur që t'i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kapacitetet e nevojshme, gjithçka në funksion të realizimit me sukses të kontratës.

2.3 Kapaciteti teknik:

1. Dëshmi për furnizime apo kontrata të mëparshme, të ngjashme me objektin e prokurimit, të kryera gjatë pesë viteve të fundit. Në çdo rast, vlera e kërkuar duhet të jetë në një vlerë jo më të vogël se 40% të vlerës së përllogaritur të kontratës, që prokurohet dhe që është realizuar gjatë **tre viteve të fundit**.
 - a. Si dëshmi për përvojën e mëparshme, operatorët ekonomikë duhet të sjellin vërtetime të lëshuara nga një ent publik, kontrata ose fatura tatimore të shitjes, ku shënohen datat, shumat dhe sasi të mallrave të furnizuara.
 - b. Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, ku shënohet datat, shumat dhe shërbimet e realizuara.

Argumentimi:

Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 "Për prokurimin publik" dhe nenit 41, pika 3 të VKM nr. 285, datë 19.05.2021 "Për miratimin e Rregullave të Prokurimit Publik", të ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën me sukses, prandaj është kërkuar që kontratat e mëparshme të ngjashme të jenë në vlerën jo më pak se 40 % të vlerës së fondit limit, që është brenda vlerës kufi të përcaktuar në nenin e sipërcituar.

Përvoja e mëparshme është një element shumë i domosdoshëm që garanton autoritetin kontraktor se operatorët ekonomikë mbi bazën e vlerës së kontratave të ngjashme zotërojnë kapacitete për të zbatuar kontratën me sukses sipas një standarti të përshtatshëm cilësie. Në mbështetje të nenit 88 pika 1 e VKM 285/2021, parashikon se "Oferta mund të paraqitet nga një bashkim operatorësh ekonomikë, sipas përcaktimit të pikave 2 dhe 3, të nenit 14, të LPP-së, ku njëri prej të cilëve i përfaqëson të tjerët gjatë procedurës dhe, në rast përzgjedhjeje, edhe gjatë zbatimit të kontratës. Në ofertë duhet të përcaktohet pjesa e shërbimit, punës ose furnizimit, që do të kryejë secili nga anëtarët e këtij bashkimi nëpërmjet një kontrate bashkëpunimi të hartuar ndërmjet palëve.

2. Operatori ekonomik duhet të paraqes certifikate CE për mallrat pjesë e procedurës së prokurimit në veçanti për : 1) Koloneta parkimi; 2) Barriera me tra 5 meter; 3) Barriera me tra 3 meter;

Argumentimi :

Shenjimi CE per mallrat eshte nje detyrim per cdo pajisje qe tregtohet ne Republiken e Shqiperise. Shenjimi CE pervecse detyrim ligjor per cdo pajisje fizike eshte edhe nje garanci qe pajisjet jane te nje standarti, cilesie te larte.

3. Operatori Ekonomik duhet te paraqes Autorizim prodhuesi ose Distributori te autorizuar për zërat : 1) Koloneta parkimi; 2) Barriera parkimi. Autorizimi i prodhuesit duhet te lëshohet ne emër te autoriteti kontraktor dhe duhet te përmbajë te dhëna te plota si e-mail, numër kontakti, adrese, faqe web te prodhuesit, kjo ne rast verifikimi nga autoriteti kontraktor.

Argumentimi:

Autorizimi i prodhuesit është një dokument i rëndësishëm, pasi përveçse tregon kanalin zyrtar te origjinës së mallrave/licensimeve specifike që kërkohen në kete prokurim, garanton gjithashtu se ofertuesi është i autorizuar per territorin e Shqiperise për ofrimin tek AK të këtyre produkteve. Kjo garanton qe produktet që kërkohen të blihen janë prodhuar/krijuar sipas standardeve të larta nga prodhues të njohur zyrtarisht. Kjo kërkesë i shërben autoritetit kontraktor per tu garantuar qe Operatori Ekonomik ka mbeshtetjen dhe suportin e prodhuesit per te garantuar cilesine e produkteve dhe furnizimin e tyre ne kohe për përmbushjen me sukses të kontratës, duke garantuar funksionimin e pajisjeve ne kushtet e garancisë dhe pas saj.

Ky kriter është në përputhje me nenin 77, pika 4, të Ligjit Nr. 162/2020, datë 23.12.2020 “Për prokurimin publik” dhe pikën 5 dhe 6, të nenit 40, të VKM Nr. 285, datë 19.05.2021 “Për miratimin e rregullave të prokurimit publik”, të ndryshuar.

4. Operatori Ekonomik duhet te jete i certifikuar si me poshtë. Për plotësimin e kësaj kërkesë ofertuesi duhet te paraqesë certifikatën e kërkuar për:
 - ISO 9001 (e vlefshme) ose ekuivalent
 - ISO 27001 (e vlefshme) ose ekuivalent

Certifikimi I kompanisë duhet të jetë sipas fushës së objektit që do të prokurohet.

Çertifikatat të jenë lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Në rastin e bashkimit të operatorëve ekonomik, sipas nenit 88 te VKM-285 date 19.05.2021, secili operator ekonomik duhet të dorëzoje certifikata ISO sipas zërave të punëve/mallrave/shërbimeve që do të marr përsipër të realizoj sipas akt-marrëveshjes paraprake.

Argumentimi: Kërkesat e mësipërme janë përcaktuar bazuar në nenin 79, të ligjit nr.162/2020, datë 23.12.2020 “Për prokurimin publik” dhe nenin 44 të VKM nr.285, datë 19.05.2021 “Për miratimin e Rregullave të Prokurimit Publik”.

Duke qene se paisjet e kerkuara jane per sisteme sigurie si dhe teknologjia e kerkuar eshte e nje niveli te larte duhet qe subjektet zbatuese te kontrates te jene te pajisura me keto certifikime.

Me anë të këtij kriteri kërkohet që operatorët ekonomikë të dëshmojnë që si kompani kanë kualifikimet/çertifikimet e duhura organizative dhe operacionale të nevojshme për të zbatuar kontratën.

Përmbushja e standartit ISO 9001 ose ekuivalent është i rëndësishëm për të siguruar menaxhimin e cilësisë së shërbimeve që kerkohen. Ky lloj çertifikimi garanton Autoritetin Kontraktor se Operatori Ekonomik ka të implementuar një sistem menaxhimi të cilësisë për shërbimet e ofruara dhe zbatimin e kontratës në tërësi e rrjedhimisht dhe përmbushjen e saj sipas të gjitha standarteve të cilësisë.

Certifikimi ISO 27001 ose ekuivalent shërben për të verifikuar dhe garantuar që OE është në gjendje të kryejë realizimin e kontratës duke siguruar që informacionet të menaxhohen në mënyrë të sigurtë dukeqenese sistemi perpunon dhe administron informacione dhe te dhena te rëndësishme dhe sensitive. Ky çertifikimi garanton Autoritetin Kontraktor se Operatori Ekonomik ka standartet nderkombëtare të duhura për menaxhimin e sigurisë së informacionit gjatë zbatimit të kontratës.

Operatori Ekonomik duhet të ketë të punësuar për 6 muajt e fundit jo më pak se 10 (dhjete) punonjës në listë pagesë, i vlerësuar si afat minimal kohor është i nevojshëm për garantuar sigurimin e eksperiencës dhe përvojës së mjaftueshme personelit të OE për njohjen e veçorive, specifikave të mallrave që do të prokurohen. Për këtë duhet të paraqesë liste pagesat e 6 muajve të fundit.

5. Operatori Ekonomik duhet të ketë minimalisht 2 inxhinierë elektronik ose informatike, të certifikuar në të paktën një nga pajisjet e kuotuarat. Për këtë duhet të paraqesë liste pagesat e 6 muajve të fundit, dhe certifikatat e diplomat përkatëse. Ky kriter përmbushet me plotësimin e formularit të vetdeklarimit. Përpara publikimit të njoftimit të fituesit dhe nisjes së afateve të ankimit, ofertuesi i kualifikuar i pari do të duhet të dorëzojë dokumentet provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të nenit 26, të VKM-së nr.285, datë 19.05.2021, I ndryshuar si dhe dokumentet e tjera shoqëruese të ofertës, të dorëzuara në rrugë elektronike.

Argumentimi:

Eshte kerkuar ky kriter pasi eshte shume e rëndësishme që personat që do të ndjekin instalimin e pajisjeve pjese e procedures duhet te jene te certifikuar si inxhinierë te fushes. Kjo siguron që implementimi do të jetë i suksesshem.

6. Operatori Ekonomik duhet te kete minimalisht 2 persona te certifikuar per ofrimin e suportit dhe mirembajtjes per sistemet e parkimit te instaluara ne APD. Per kete duhet te paraqese certifikaten perkatese si dhe listepagesen e 6 muajve te fundit.
- Ky kriter permbushet me plotësimin e formularit të vetdeklarimit. Përpara publikimit të njoftimit të fituesit dhe nisjes së afateve të ankimit, ofertuesi i kualifikuar i pari do të duhet të dorëzoje dokumentet provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të nenit 26, të VKM-së nr.285, datë 19.05.2021, I ndryshuar si dhe dokumentet e tjera shoqëruese të ofertës, të dorëzuara në rrugë elektronike.

Argumentimi:

Eshte kerkuar ky kriter pasi eshte shume e rëndesishme qe personat qe do te ofrojne mirembajtjen dhe suport te pajisjeve te jene te certifikuar ne teknologji qe aktualisht APD ka ne perdorim. Kjo per te siguruar qe suporti do te jepet ne kohe dhe me garanci.

Operatorët ekonomik ofertues duhet te paraqesin Dokumentin e titulluar Ofertë Teknike te ngarkuar ne SPE nga Autoriteti Kontraktor ne formën e një tablele kërkesat e të cilit duhet të plotësohen rigorozisht nga Ofertuesi artikujt e Listës. Oferta teknike duhet të përmbajë të dhënat si më poshtë;

- a. Emri i kompanisë prodhuese ose distributor i autorizuar nga prodhuesi me produktet e të cilëve Operatori Ekonomik do të paraqitet në dokumentat e ofertimit. Adresa dhe web-sit të sakta të kompanisë prodhuese ose distributorit të autorizuar.
- b. Emërtimi i Katalogut të prodhuesit.
- c. Nr. i faqes në katalog referuar Nr. Identifikues të artikullit të ofruar sipas listës i shënuar me një shenje dalluse.

Afati i lëvrimit të produktit/shërbimit do të jetë 120 ditë që nga data e nënshkrimit të kontratës.

Kjo procedurë është furnizim-vendosje dhe produktet e furnizuara do të montohen nga operatori ekonomik fitues i procedurës së prokurimit.

Të gjithë dokumentat duhet të jenë origjinalë ose kopje të noterizuara të tyre. Rastet e mosdorëzimit të një dokumenti, ose të dokumentave të rreme e të pasakta, konsiderohen si kushte për skualifikim.

II. Argumentimi i specifikimeve teknike

Specifikimet teknike janë hartuar duke marrë në konsideratë, për blerjet e reja cilësore, kërkesat aktuale për funksionalitet zgjerim cilësi e performancë si dhe shërbimet profesionale të kërkuara për teknologjite ekzistuese, ofrimin të produkteve të reja, karakteristikat e duhura bashkëkohore teknologjike, standardet e duhura kombëtare dhe ndërkombëtare, në përputhje me parashikimet e nenit 4, pika 38/b dhe nenit 36, të Ligjit Nr. 162, datë 23.12.2020 “Për prokurimin publik”, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”. Në çdo rast ku ka qenë e mundur është përdorur termi “ose ekuivalent” për të qenë gjithmonë në konformitet me zbatimin e legjislacionit të prokurimeve publike dhe akteve nën-ligjore në zbatim të tyre.